

verachtet die ougenbliklich ist / vnd  
ewiger seligkeit anhanget / mit schüchte  
den todt / sonder sich allweg dar zu be  
raidt / der begert ze sterben vnd won  
en by cristo / by vnd in dem ist über  
fluss aller gütten ding vñ ewige rüw  
**W**as nutzte den menschen / das er vñ  
anfang der welt biss vff hütigen tag  
gelept hett in fröden vnd vnzallichen  
seligkeiten / vnd aber yetz sin sel von  
lyb geschaidē geaignet wurd den hel  
lischen banden / fürwar gloubend  
vns wir haben biss vff diss gegewür  
tig zytt / in disem iamertal / vil mer  
trurigerr vnd flaglicher tag gelebt /  
dan wir frölich stunden gehebt habē /  
**W**uns zweyfelt ouch nit wir habē vor  
har vnd ouch ietz vil vnsers glychen  
mitgesellen gehabt / dann des men  
schen ellend ist so vil / wo wir es al  
les erzelē wölten / wurd vns papir vñ